

Broj: 02-956-14/26

Datum: 12.05.2026. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24) i člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), na Preporuku Komisije za nabavku broj: 02-956-7/26 od 11.05.2026. godine, u postupku javne nabavke usluga: **Usluge osiguranja uposlenika, korisnika, imovine i vozila Ustanove**, direktor Ustanove za socijalno zbrinjavanje, odgoj i obrazovanje - Sarajevo, donosi:

**ODLUKU  
o izboru najpovoljnijeg ponuđača za lotove 2 i 3**

**Član 1.**

Prihvata se Preporuka Komisije za nabavku broj: 02-956-7/26 od 11.05.2026. godine, za javnu nabavku usluga: **Usluge osiguranja uposlenika, korisnika, imovine i vozila Ustanove**, te se ugoovr za nabavku usluga dodjeljuje ponuđaču **ADRIATIC OSIGURANJE d.d.**, ponuda dostavljena dana 11.05.2026. godine, za ponudenu cijenu po LOT-ovima kako slijedi :

**LOT 2 – Usluge osiguranja radnika od povrede i smrti (kolektivno osiguranje)**, sa ukupnom cijenom ponude u iznosu od **3.942,00 KM** bez uračunatog PDV-a kao najpovoljnijem ponuđaču.

**LOT 3 – Usluga osiguranja korisnika od povrede i smrti**, sa ukupnom cijenom ponude u iznosu od **5.952,00 KM** bez uračunatog PDV-a kao najpovoljnijem ponuđaču.

**Član 2.**

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

**Član 3.**

Nakon prijema i evaluacije ponuda konstatovano je da je ponudu za lotove: 2 i 3 dostavio 1 (jedan) kvalifikovani ponuđač i to: **ADRIATIC OSIGURANJE d.d.**

U skladu sa članom 3.stav (3) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69.Zakona o javnim nabavkama („Službeni glasnik BiH“ broj 39/14, 59/22 i 50/24).

#### Član 4.

Izabrani ponuđač za lotove 2 i 3, ~~ADRIATIC OSIGURANJE d.d.~~ oslobađa se obaveze da dostavi originale ili ovjerene kopije dokumentacije iz člana 45. Zakona o javnim nabavkama obzirom da je dostavio uz ponudu.

#### Član 5.

Prijedlog ugovora dostavit će se na potpis izabranom ponuđaču u skladu sa članom 89. stav (3) Zakona o javnim nabavkama (Sl. Glasnik BiH broj: 39/14, 59/22 i 50/24).

#### Član 6.

Ova Odluka objavit će se na web stranici Ustanove za socijalno zbrinjavanje, odgoj i obrazovanje - Sarajevo: [www.ustanovahum.ba](http://www.ustanovahum.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 2 i 6. i članom 71. stav 2. Zakona o javnim nabavkama („Službeni glasnik BiH“ broj 39/14 i 59/22, 50/24).

#### Obrazloženje:

Postupak javne nabavke pokrenut je Odlukom o pokretanju postupka javne nabavke broj: 02-956-2/26 od 28.04.2026. godine.

Javna nabavka je sprovedena putem konkurentskog zahtjeva za dostavu ponuda, evidencijski broj nabavke: JN-12/26.

Procijenjena vrijednost javne nabavke bez PDV-a je: 18.000,00 KM bez uračunatog PDV-a, odnosno po LOT-ovima kako slijedi :

1. LOT 1 - Usluge osiguranja službenih vozila – 5.000,00 KM bez PDV-a
2. LOT 2 - Usluge osiguranja radnika od povrede i smrti (kolektivno osiguranje) – 4.000,00 KM bez PDV-a
3. LOT 3 - Usluga osiguranja korisnika od povrede i smrti – 6.000,00 KM bez PDV-a
4. LOT 4 - Usluge osiguranja imovine od požara i nekih drugih opasnosti – 3.000,00 KM bez PDV-a

Obavještenje o nabavci broj: 596-7-2-38-3-24/26, objavljeno je na Portalu javnih nabavki dana 30.04.2026. godine, a u Službenom-glasniku broj: 33/26 dana 08.05.2026. godine.

Komisija za nabavku, imenovana je Rješenjem broj: 02-956-3/26 od 28.04.2026. godine.

Komisija za javnu nabavku u predmetnom postupku javne nabavke usluga, dostavila je direktoru Ustanove, Zapisnik o pregledu i ocjeni ponuda broj: 02-956-6/26 od 11.05.2026. godine, Preporuku o izboru najpovoljnijeg ponuđača broj: 02-956-7/26 od 11.05.2026. godine, i Izvještaj o radu broj: 02-956-8/26 od 11.05.2026. godine.

U postupku po Izvještaju o radu Komisije broj: 02-956-8/26 od 11.05.2026. godine, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku nabavke za lotove 2 i 3 primljene 2 (dvije) ponude,
- da su za lotove 2 i 3 blagovremeno primljene 2 (dvije) ponude,
- da nije bilo neblagovremeno primljenih ponuda.

**Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:**

#### **1. SARAJEVO-OSIGURANJE d.d. za lotove 2 i 3**

Ponuda ponuđača SARAJEVO-OSIGURANJE d.d. za lotove: 2 i 3 je neprihvatljiva iz razloga, jer cijena prelazi planirana, odnosno obezbijedena novčana sredstva ugovornog organa za nabavku za predmetne lotove, te se odbacuje u skladu sa članom 68. stav (4) tačka j) Zakona o javnim nabavkama. Ponuda navedenog ponuđača je neprihvatljiva u skladu sa odredbama člana 2. stav (1) tačka 1) podtačka 2) Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24).

**Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:**

Ponuda ponuđača ADRIATIC OSIGURANJE d.d. za lotove 2 i 3, je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.


U postupku ocjene provedenog postupka, direktor Ustanove za socijalno zbrinjavanje, odgoj i obrazovanje-Sarajevo, nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24) i člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23, odlučeno je kao u članu 1. ove Odluke.

## POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Ustanova za socijalno zbrinjavanje, odgoj i obrazovanje - Sarajevo, Humska broj 81, Sarajevo. Žalba se podnosi u najmanje 3 (tri) primjerka.

  
PRIPREMIO:  
Denis Šahbegović, BA poslovne ekonomije  
Službenik za javne nabavke



  
**DIREKTOR**  
Amela Smajić, BA općeg prava

### Dostaviti:

- SARAJEVO-OSIGURANJE d.d., e-mail: [tenderi.drustvo@sarajevoosiguranje.ba](mailto:tenderi.drustvo@sarajevoosiguranje.ba);
- ADRIATIC OSIGURANJE d.d., e-mail: [sejla.silajdzic@adriatic.ba](mailto:sejla.silajdzic@adriatic.ba);
- Služba za pravne, administrativne i pomoćno-tehničke poslove
- a/a